

আহুতি ।

आहृति ।

(जीवन संगीत)

अद्वैतं सुखदुःखयोरनुगुणं सर्वाण्यवस्थासु यद्
विश्रामो हृदयस्य यत्र जरसा यन्निजसाध्यो रस
कालीनावरणाल्ययात् परिणते यत् स्निहसारे स्थितं
भद्रं मे म सुमानुषस्य कथमप्येकं हि तत् प्राप्यते

भवभूति ।

कलिकता,

२११ नं कर्णप्रयागमिण द्वीप, ब्रान्क मिमन यञ्च

श्रीकार्तिकचन्द्र मत्र द्वारा मूद्रितं च

प्रकाशित ।

१७००



উৎসর্গ ।

গবয়-ভক্তি ভাজন

শ্রীশ্রীমন্মহারাজ-কুমার বিনয়কৃষ্ণ

বাহাদুর—

দেবাত্মন !

মনে হ'লে সেই দিন

এখনো শিহবে প্রাণ ;

অতীত নিকটে আসি

হয় যেন বর্তমান ।

স্বপন মতোর ছায়

ঢেকে ফেলে আপনায়,

ছায়ায় মূবতি হেরি

শঙ্কায় বিভল হই,

বিষাদে আপনাহারা

আসি যেন হ'য়ে রই ।

ধীরে ধীরে স্মৃতি এসে,

শ্মশানে লইয়া যায়,

আহুতি এ ভস্ম মেঘ

দিতে তাহে পুন চায় ;

কাছ থেকে কত দূরে,
 সংসার সরিয়া পড়ে,
 নিরাশায় হৃদে বয়,
 প্রাণের প্রভঞ্জন
 ধব্ধ ধব্ধ জলে উঠে
 মরমেব হতাশন ।

বুঝি বা হতেম ভয়
 কালান্তক সে অনলে,
 স্মৃতির সে উষা বাঘে
 বুঝি বা যেতেম গলে,
 যদি নাহি তার মাঝে
 দেবতার দিব্য সাজে,
 দুইটা না হ'ত আলো
 নয়নের পথ-গামী
 কি হ'তেম কে বলিবে
 জানেন অন্তরযামী

একটা নিভেছে আলো,
 বিষাদে ঢেকেছে প্রাণ,
 একটা খামিয়া গেছে
 সুদূব আশার গান ।

সূচীপত্র ।



বিষয়	পৃষ্ঠা
উৎসবে—	
উৎসব	১
সংঘম	২
সঙ্কল্প	৪
মন্ত্র	৫
মন্ডাকিনী	৫
অঞ্জলি	৬
ফুলহার	৭
হাতে হাতে	৮
ভালবাসা	১১
একবিন্দু	১২
শূন্য-পথে	১২
বিন্নর্জন	১৩
শৈশব-স্মৃতি	১৭
মিলন-পথে	১৮
আশীর্বাদ	২০
বিদ্যায়ে—	
বিদায়	২২
বিষাদিনী	২৫

বিষয়	পৃষ্ঠা
শ্মশানে—	
স্মৃতি	২৮
স্মৃতির উক্তি ...	২৯
নীরব-কাহিনী ..	৩০
এইখানে	৩১
স্মৃতি-পথে	৩২
কুহ	৩৩
প্রলয়	৩৪
আকস্মিক	৩৪
সে যদি গো ফিরে আসে ..	৩৬
সে যদি গো আসে ফিরে ...	৩৭
নীরবে	৩৭
ললনা হৃদয়	৩৮
পরিত্যক্ত	৩৯
দেবতা	৪০
ভারও ললনা ..	৪২
যাত্রাপথে—	
অনুভূতি. . ..	৪৪
নৈরাশ্র ..	৪৪
লক্ষ্যহীন .	৪৬
অপহৃত	৪৭
আমন্ত্রণ ..	৪৮

ବିଷୟ	ପୃଷ୍ଠା
ପ୍ରାବୃତ୍ତେ ...	୫୪
ଅସହାୟ ...	୫୬
ଏତଦୂର ...	୫୦
ଶୈଶବ-ସ୍ୱପନ ...	୫୧
ଅବ୍ୟକ୍ତ ...	୫୧
ହେଥାୟ ...	୫୨
ଉଦାସ ପରାଣ ...	୫୫
କୋଥାୟ...	୫୫
ନିବୃତ୍ତିର ଆତ୍ମହତ୍ୟା	୫୯
ଶବ-ସାଧନ ..	୬୦
ସ୍ୱପ୍ନ ..	୬୧
କେ ...	୬୧
ମେ ...	୬୨
ଶେଷ ...	୬୨
ଆଦର୍ଶ-ପ୍ରେମେ—	
ତୁମି ..	୬୫
ସେହିଦିନ...	୬୫
ଆକର୍ଷଣ ...	୬୬
ମନୋମାନ ..	୬୭
ଉଚ୍ଛ୍ୱାସ ..	୬୮
ସେଠନା ...	୬୯
ନବୀନ-ତପସ୍ୱିନୀ ...	୭୦

বিষয়	পৃষ্ঠা
অধিকার	৭১
নিদর্শন	৭১
প্রতীক্ষা	৭২
ভুলেছি	৭৪
ঘ'ল তাঁবে	৭৪
এতদূর	৭৫
স্বর্গের ছয়ার	৭৬
লহরী	৭৬
বসন্তোৎসব	৭৭





আহুতি ।

—

উৎসবে ।

—

উৎসব ।

দিগন্ত প্রসারি হেথা

কেন এত কোলাহল,

বিকশিত সকলেব

হৃদয়ের শতদল ?

বাজিছে দামামা কাড়া

ঢাক ঢোল মাতোষাবা,

বৈজয়ন্ত উৎসবেব

হইতেছে অভিনয়,

শ্বরগের ছায়া কেন

মবতে লক্ষিত হয় ?

—

সংযম (অধিবাস) ।

নিয়তির অলঙ্ঘ্য বিধানে

সংসারে উঠিল কোলাহল,

ডবিষ্যত চাহি একবার

আজ তুমি ফেল আঁখিজল ।

ধূলি খেলা গেল ফুবাইয়া

পুতুলের করলো সংকার,

কঠোর কর্তব্য দাঁড়াইয়া

করিতেছে প্রতীক্ষা তোগার

সুদীর্ঘ এ জীবনে বালাহে

হ'ল এক অঙ্ক অভিনয়,

শৈশবের ফুরাইল লীলা

স্বপনের হইল বিলম্ব

সংসার খুঁজিছে দূর হ'তে

কোথা বালা আয় আয় আয়,

এসেছিলি যে কাজ গাধিতে

ছুট ত'য় ত'বি স'ধনায় ।

সুদূর গহন বনে অই

বাজিল বাঁশবী যেন কার,

যুমে ছিলি উঠিলি জাগিয়া

চমকিত দেখিলি সংসার

ডাকিতেছে গবাহিতে সবে
 কর্তব্যেব কঠোর শৃঙ্খল,
 এত নয় সুখ আবাহন
 আজি তুমি ফেল আঁধিজল ।

সকলেব বাহিরের খেলা,
 উৎসবের তাই আয়োজন,
 দিতে তুমি যেতেছিস বালা
 হৃদয়ের চির-বিসর্জন ।

বিপুল উচ্ছ্বাস ভরা বুক
 তাই সবে আনন্দে বিভুল,
 আজ নয় সে দিন তোমার
 আজ তুমি ফেল আঁধিজল ।

নীবে নিভৃত গেহ কোণে
 আপনায় বাখ্ লুকাইয়া,
 চিন্তা তোর থাকিবে সঙ্গিনী
 বিষাদে আগ্নুত ববে হিমা

মহাব্রত করিবি গ্রহণ
 আজ তারি সংমমেব দিন,
 সমাহিত না হ'লে হৃদয়
 সে দীক্ষাব হবে অঙ্গহীন

সাধে বাদ ষটিবে নিশ্চয়
 পদে পদে হবে অমঙ্গল,
 ভবিষ্যত চাহি একবার
 আজ তুমি ফেল আঁখিজল

—
 সঙ্কল্প ।

এ ব্রতের সঙ্কল্প এতই কঠিন ?
 হৃদয়ের রক্ত দিয়া
 সর্বস্ব বিসর্জিয়া
 সংযম কি বিধি এর আছে চিরদিন !
 আপন সমাধিপরে
 যব আছা চিরতবে
 বিধোত নয়ন-জলে মহাযোগে লীন ;
 স্মার্থে শুধু দিব বলি,
 ভকতির পুষ্পাঞ্জলি
 দিব ইষ্টদেবতারে হৃদয়ে আসীন !
 আশাব আশ্বাস গেয়ে
 প্রতীকার মুখ চেয়ে
 ভুলে যাব বর্তমান হৃথের হৃদ্বিন !
 এ ব্রতের সঙ্কল্প এতই কঠিন
 হৃদয়ের বক্ত দিয়া
 সর্বস্ব বিসর্জিয়া
 সংযম কি বিধি এব আছে চিরদিন !

মন্ত্র ।

জীবন—প্রেমের এক নীলাময় বৃন্দাবন,
 আশার নিকুঞ্জে দূর ভবিষ্যত আবাহন
 জীবন—এ সংসারের কর্তব্যের ত্রীতদাস
 আপনা বিশ্বত হ'য়ে পবনুথ অভিলাষ
 জীবন—কালের শ্রোতে তবঙ্গ অস্থির গতি,
 অনন্তেব এ সংসারে ক্ষুদ্র ছায়া এক রতি
 জীবন—এ বিশ্বময় নিঃস্বার্থ আপনাদান,
 ইহ পরজের মাঝে ক্ষুদ্র এক ব্যবধান
 বিবাহ সে জীবনের পুণ্যময় প্রসবণ
 বিধাতার আশীর্বাদ হৃদয়ের সন্নিধান ।

মন্দাকিনী ।

এ আমার চাঁদের কিরণ
 স্রীতিময়ী মাধুরী বিকাশ ;
 মধুময় কোকিল-কুজন,
 বিকশিত কুসুমের বাস ;
 এ আমার ভগন হৃদয়ে
 উথলিত বাসনা লহরী ;
 অন্ধকার বিজন নিলয়ে
 জ্যোতিময়ী দেবতা স্নন্দরী ;

মরতের পুত্র মন্দাকিনী,
 প্রাণময়ী মেহের পুত্রি,
 হৃদয়েব শান্তি বিধায়িনী,
 অক্ষুট কুমুম-কম-কলি ।

পাষাণে বাঁধিয়া বুক
 বড় আদবের ধন,
 দেখে যারে দেখে যারে
 দিতে যাই বিসর্জন !

কে জানে জ্বলোছি তাজ কি যে হতাশন
 প্রাণেব আহুতি দিও জ্বলোর মতন !

—
 অঞ্জলি (সম্প্রদান) ।

বাঁছিয়া এনেছি তুলে
 কুড়া'য়ে নন্দন বন,
 এই নেও পাবিজাত,
 সুরভিত সচন্দন

মাধুবী জ্যোছনা তাব
 আকাশ প্রাণেব ছায়,
 অদূর তারকালোকে
 আশাগুলি ছুটে যায় ।

মহাব্রত এ সংসাবে
 পরশুখ সংবিধান,
 দারুণ প্রতিষ্ঠা যাব
 নিঃস্বার্থ হৃদয়-দান

বিকাশে সে পিককনে,
 বরষায় বাবে যায়,
 কানন সমাধি ভূমি
 বসতি মলয় বায় ।

জীবন প্রেমের ধাৰা
 নির্ঝাণ সুরভি-মূল,
 এই নেও পারিজাত
 চন্দনে চর্চিত ফুল ।

ফুলহারি ।

আমি প্রিয় শুভদিনে তোমারি লাগিয়া
 এনেছি যতনে এই মালাটি গাঁথিয়া
 প্রাণের উদ্যানে যত ফুটেছিল ফুল
 সকলি এনেছি তুলে হরষে অতুল
 কত আশা ভালবাসা করিয়া চয়ন
 সযতনে কবিয়াছি বীথিকা রচন ।

প্রেমের চন্দন তাহে দেছি ছড়াইয়া
 ভকতির ধূপ ধূনা এনেছি জালিয়া
 কৃতার্থ হইব আজ পূজিয়া তোমায়
 এসেছি সমীপে শুধু ওই ভবসায় ।
 আদবে পরিবে গলে বাসনা আমার
 হইবে নয়ন-কোণে প্রেমের সঞ্চাব ।
 হৃদয়ে খেলিবে কত সুখেব উচ্ছ্বাস
 ও প্রেম বয়ানে তারি পড়িবে আশাস ।
 হয়তো ভুলিয়া দিবে একটা চুখন
 তাই চাই আর কিছু নাই অকিঞ্চন ।

হাতে হাতে ।

আহা থাক্, ওকি কর কোমল হৃদয়
 কঠিন পরশে হায়
 যদি বা ভাঙ্গিয়া যায়
 যদি বা মহসা ভয়ে বিচলিত হয় ।

সে জানে না কারে কর
 উন্মাদক ভালবাসা,
 সে জানে না প্রাণে তাব
 এপ্রু আছে কত আশা

সে জানে না আঙি এই
 জীবনের সূত্রও তে,
 কি যে এক বিনিময়
 হইতেছে হাতে হাতে ।

সে জানে না খাণে তার
 উখলিল যে লহরী,
 ছুটিবে অনন্তকাল
 তোমাবে আশ্রয় করি

সরলা অবলা অই
 আমাদের ফুলবালা,
 ফুল তুলি সাজি ভারি
 শুধু তাহে গাঁথে মালা ;

জানে না জয়ন্তী লাগে
 দেবতার অর্চনাম,
 জানে না কুম্বে কীট
 মাঝে মাঝে দেখা যায় ।

যদি কোথা দেখে ফুল
 হরষে উখলে মন,
 মনে করে ■ মরতে
 সুখী ভারি ফুলবন

তাই যে সে পাগলিনী
 না বুঝি আইল ছুটি
 কে তুমি রে সরলাব
 পবাং নিতেছ লুটি

আশার স্বপন তার
 যুমে আছে ঘুমে থাক্,
 জীবনের শাস্ত স্রোত *
 মৃৎল বহিয়া যাক্

আছে তার এ সংগারে
 আদবের কও ধন,
 স্নেহের আশ্রয়ে তাব
 বেঁচে আছে কওজন

ফুল ফুটে, পাখী গায়
 আকাশে তারকা হাসে
 স্নেহের ভিধারী মোরা
 আছি তারি আশে পাশে

মুক্তপথে প্রাণ তার
 ছুটেছে আপন সাধে,
 ছুঁ য়োনা ছুঁ য়োনা তারে
 ফেল না কঠোর ফাঁদে ।

যে উচ্ছ্বাস যুগপত
 পরশে উথলি উঠে
 বুঝি বা হৃদয় তাব
 একবানে যায় টুটে

তাই বলি—ওকি কব কোমল হৃদয়,
 কঠিন পরশে হায়
 যদি বা ভাঙ্গিয়া যায়
 যদি বা সহসা ভয়ে বিচলিত হয় ?

ভালবাসা (বন্ধন) ।

তুমি জান আশ্রয় আপনা বিশ্বতি
 তুমি জান স্নেহে ছুঁতে শুধু অশ্রুজল,
 তোমার কথায় ফুটে গরমের গীতি,
 তোমার হাসিতে ফুটে সোণাব কমল ।

তুমি জান বাড়াইতে প্রণয়ের ঋণ,
 স্নেহে শৃঙ্খলে সবে করিতে বন্ধন ;
 তুমি জান আপনায় করি দীনহীন
 অপরে কবিত্তে ধনী স্মৃতি মহাজন

তুমি জান জগতের সৌন্দর্য্য লইয়া
 একটি মুরতি দিব্য করিতে গঠন,
 তুমি জান মল্ল মুগ্ধ নিকটে বসিয়া
 দিবানিশি তাহারেই কবিত্তে পূজন ।

তাবি লাগি ফুটে ফুল, পাখী গান গায়,
 তাবি লাগি এ জগতে তোমার জীবন,
 বল দেখি এই খেলা শিখিলে কোথায়
 দেবতাব অভিনয়, হৃদয় রঞ্জন

একবিন্দু ।

মন প্রাণ যে তোমার সঁপে দিল করে
 একবিন্দু অঞ্ সখি ফেল তাবি তরে
 তুমি কি জাননা দেবি ! এ সংসারে হায়
 একাকী আপন বোঝা ব'য়ে চলা দায় ।
 মাঝে মাঝে সাথী তাই চাই একজন
 উত্তপ্ত মকতে করে সলিল সিঞ্চন
 ফুলগুলি মরে তবে উঠে গো বাঁচিয়া
 পাখীগুলি গায় গান আরামে বসিয়া ;
 মৃতদেহে হয় তবে জীবন সঞ্চাব
 ফেল সখি একবিন্দু ফেল অশ্রুধার ।

শূন্য-পথে ।

নিবাসয় পারে কিগো কেহ
 ভীষণ ■ সংসার কাননে,
 আপনার পথ চলে যেতে
 একটীও বান্ধব বিহনে ?

সঘন পতনে বারম্বার,
 অবিরাম কণ্টক প্রহারে,
 সে যে আর পারে না চলিতে
 পড়ি থাকে একেলা আঁধারে ।

তুমি তাবে নিয়ে যাও বালা
 স্নেহভরে কবি আলিঙ্গন,
 পাপ বিদ্ধ ভগন-হৃদয়ে
 ঢেলে দেও অনন্ত জীবন ।

কেটে দেও মোহের বন্ধন
 দিব্য-দৃষ্টি খুলে দেও তাব,
 নেত্র দেও জ্ঞানের অঙ্গন
 হৃদে কর প্রেমের সঞ্চার

বিসর্জন ।

সববস্তু দিয়া বিসর্জন
 যোগিনী সাজিলে এইবার,
 আপনাব বলিতে এখন
 রহিল না কিছুই তোমার ।

আপনা খুঁজিতে যেনে বালা
 আপনায় দিলি জলাঞ্জলি,
 স্মৃথে যারে বরিলিবে মালা
 হদি তাব ক্রীড়ার পুতলি ।

সুখে তার উথলিবে হিয়া
 দুখে তেব ভাঙ্গিবে হৃদয়,
 হাসি দিবে হাসি ফুটাইয়া
 অশ্রুপাতে ঘটিবে প্রলয়

কিন্তু এক হৃদয় রাজ্যেব
 হলি আজ শুভ অধিশ্ববী,
 মূর্ত্তিময়ী পবিত্র-প্রেমের
 দেবী এক মনোমুগ্ধকরী ।

হৃদয় সর্বস্ব নিধি ওর
 হলি আজ নয়নের তাবা,
 জীবনের বন্ধনের ডোব
 শাস্তির অমিয়াময় ধারা

বরষাব নৈশ অন্ধকারে
 দীপ্তিময়ী বিজলী-বিভাস,
 জীবনের দুঃখ হাহাকারে
 মূর্ত্তিময়ী আশার বিকাশ

তাপময় এ সংসারে হায়
 পুণ্য-তোয়া জাহ্নবী-জীবন,
 পাপময় এই বসুধায়
 চিত্ত, জ্ঞান বিবেক-দর্পণ

সঙ্কটে সাধনা হ'লি তাব
 ব্যাধিকালে ভেষজ গ্রহণ,
 যাও বালা আজকে তোমার
 হৃদয়ের হ'ল মহাদান

সচকিতা থাকিবি চাহিয়া
 পরের সুখানি অনিবার,
 'সেবা ব্রত' হৃদয়ে ধরিয়া
 নয়নে যে লিবি প্রেমধাব ;

ধাটতে জনম যদি তোর
 স্মৃথের কি সাজে লো বাসনা ?
 কর্তব্য রয়েছে কঠোর
 কর আগে তাহারি সাধনা ।

অবপিত হাতে তোর
 একটা জীবন ভার,
 স্মৃথ শান্তি চিরদিন
 বিধাষিবি সদা যার

খেলা আজ হবে বালা
 জীয়ন্ত মানুষ নিয়ে,
 নীলাময় শৈশবেব
 এ নয় পুতুল বিয়ে

পেয়েছিস যে রতন
 রাখিস যতনে তায়,
 আশ্রয়ের ভিখারিণী
 আশ্রয় করিলি যায় ।

একটি প্রাণেব সাধ
 জীবনের শত আশা,
 খুঁজিতেছে আজ তোর
 প্রাণময়ী ভালবাসা

ব্যথায় হইবে তায়
 প্রক্লান্ত হতাশন
 নিবাসায় ঝরিবেক
 নয়নেব প্রস্রবণ ;

ভগন হৃদয়ে তবে
 উঠিবে লো হাহাকার,
 শান্তি হীন এ আশ্রয়
 দেখিবে সে অন্ধকার

একটুকু অযতনে
 একটুকু উপেক্ষায়,
 সুখেব স্বপন তোর
 বুঝি বা ভাঙ্গিয়া যায় ।

শৈশব স্মৃতি ।

মাঝে মাঝে অধবেব হাসিটা লইয়া
 দেখা দিয়ে যাস লো হেতায়,
 মেহের প্রসাদে তোর ভাপিত এ হিমা
 তবু যেন খানিক জুড়ায় ।
 খানিক ভুলিয়া থাকি যাতনা কঠোর
 আয় আয় প্রাণময়ী আয় কাছে মোব ।

মাগ্নের ছিলিরে তুই সংসার সরসে
 একমাত্র সাধনার ফুল,
 কবেছিস কত আছা মেহেব পরশে
 আমাদেব যাতনা নিমূল ;
 এ ঘবের ছিলি একা শান্তি-বিধায়িনী !
 আয়বে নিকটে তুই জীবন দায়িনী !

হৃদিনে কি ভুলে যাবি এখানের খেলা
 ভালবাসা আত্মবিতরণ ?
 শৈশবেব সুবিমল আনন্দের মেলা
 হ'য়ে যাবে নিশার স্তপন ?
 অপবে যাচিয়া দিবি আপন অন্তর
 আপনার ছিল যারা হ'য়ে যাবে পর ?

তবে যে রে ভায়িনী যামিনী আমাব
 কেঁদে কেঁদে হ'য়ে যাবে ভোর,

প্রভাতে জাগিবি যবে এ মরতে আর
 দেখিবিনে কোন চিহ্ন মোর
 কেবল পড়িবে মনে, কে যেন হেতায়
 করেছিল অশ্রুপাত প্রাণের জ্বালায় ।

মিলন-পথে ।

মিলন-জলধি পারে কে তোমরা ওহে
 পরস্পর পুলকে মগন,
 ভূবে আছ নিশিদিন সংসার-বিমোহে
 দিশাহারা পাশ্চ ছইজন ?
 বিষম বিলাসে হায়
 মাতাইলে আপনায়
 স্বপনে সত্যের ছায়া করি বিলোকন
 ভুলে গেলে এ যে শুধু নিশার স্বপন
 দেখিতে দেখিতে ভান্ন পশ্চিম সাগরে
 অই দেখে ডুবিয়া পড়িল,
 ধীরে ধীরে তামসিনী জীবন প্রাস্তবে
 অই বুঝে দেখা আসি দিল !
 প্রলয়ের প্রভঞ্নে
 পরস্পর ছইজনে
 কোথা হ'তে কোথ গিয়ে পড়িবে ছুটিয়া
 এ দিন যাবেনা কভু এভাবে কাটিয়া ।

মহা মিলনের পথে হ'তে অগ্রসব
 এ জগতে দোহারি সৃজন,
 সাধনার সিদ্ধি হেতু হ'তে পরস্পর
 হ'য়ে গেল অপূর্ক মিলন ।
 পরস্পর হাত ধরি
 কোথায় যাইবে তরি
 জীবনের সুহৃৎসব জলধি ভীষণ,
 এ যোগো দোহাবি দোহে ঘটালে মরণ !

যমুনার জাহ্নবী অপূর্ক মিলন
 একবার হ'ল যবে হায়,
 প্রেমের প্রবাহ বুকে করিয়া বহন
 পরস্পর ছুটিল দোহায় ।
 প্রবল সে বারিধার
 কে পারে রোধিতে আর ?
 অনন্ত সাগরে গিশি লভিল বিরাম ;
 অই দেখ দেখা যায় সে আনন্দধাম ।

প্রেমের কণিকা পেয়ে এতই পাগল
 হ'লে যদি এ পাশুশালায়,
 মহা উচ্ছ্বাসের স্রোত হইলে প্রবল
 এ হৃদয় লুকাবে কোথায় ?
 সে আনন্দ অশ্রুণীরে
 আপনায়, প্রেমসীরে,

চিরতরে যেই দিন দিবে বিসর্জন
সে দিন হইবে এক মহান্ মিলন

স্বরগের জ্যোতি আসি পড়িবে দোহার
শ্রান্তিযুত মলিন বয়ানে,
আপনাতে আত্মহাবা পবশে তাহাব
চির শান্তি লভিবে নির্বাণে
জীবনের সে “গোধূলি”
একবারে গেলে ভুলি
সে মাহেঞ্জ দাগ আহা , সে মহা মিলন
সমাধিতে প্রতিষ্ঠিত শান্তি নিকেতন ।

আশীর্বাদ ।

সুদূর বিমানে মৃদু নক্ষত্রের হাসি
দেখেছ কি সাক্ষ্য নীলিমায়,
কোকিল কুঞ্জিত-কুঞ্জে ফুল বাশি রাশি
বিকশিত কেমন দেখায় ?
জ্যোছিনাব পনকাসে
যামিনী কেমন হাসে
নবীন নীরদ কোলে চপলা কেমন
বিমল প্রেমের ছটা করে বিকীরণ ;

তেমতি হে চিবদিন অধরে তোমাব
শান্তিময়ী সুষমা-লহরী
উথলিত আজীবন থাকে অনিবাব
প্রাণ ভরি এ আশীষ কবি
তুইবে মাধবী, অই শান্ত সহকার
ছুটে যাও উর্দ্ধদিকে আশ্রয়ে তাহার



আহুতি ।

বিদায়ে ।

বিদায় ।

ভাঙ্গিয়াছে নিশার স্বপন
হতাশন জলেছে হিয়ায়,
আজ শেষ অশ্রু-বিমোচন
চিরতরে বিদায় বিদায় ।

জালাতন সহিয়াছি ঢের
সংসারের ধূলায় পড়িয়া,
সে সকল পাপ সত্তাপের
যাই আজ বিসর্জন দিয়া ।

এস আজ শেষ আলিঙ্গন
করে যাই জনমের মত,
জীবনের সুখ-সম্মিলন
হ'য়ে যাক, পূর্ণ হকু ব্রত ।

বাসনায় দিই উল্লাসিত
 আশায় পড়ুক ছাই হায়,
 জীবনের ফুবালা সকলি
 আজ শেষ বিদায় বিদায় ।

অপূর্ণ রহিল কত সাধ
 অকথিত র'ল কত কথা,
 আজ প্রিয়ে হরিষে বিষাদ
 মিলনে এ বিচ্ছেদ বারতা

দেখা নাকি তোমায় আমার
 হ'য়েছিল সেই একদিন,
 সন্মিলন আশ্রয় আশ্রয়
 ডুলিবার নয় সেই দিন ।

পথে দেখা ছজন্যর সাথে
 পথে হ'ল হৃদি বিনিময়,
 সঁপি দিলে অভাগার হাতে
 আপনার সাবাটা হৃদয় ;

আপনারে বিলাইয়া হায়
 নিশ্চিত রহিলে নিজ মনে,
 ভেবেছিলে আঁধার নিশায়
 সাথী এক জুটিল জীবনে ।

তারি ছায়া ধরিয়া ধরিয়া
 দীর্ঘপথে হবে অগ্রসব,
 তারি সুখ চাহিয়া চাহিয়া
 শীতলিবে তাপিত অন্তর
 পথশ্রমে হইলে বিভল
 তারি বুকে মাথাটী রাখিয়া,
 একবিন্দু ফেলি অশ্রুজল
 যাবে সব সস্তাপ ভুলিয়া ।

কুঝাইল সে আশা তোমাব
 ভেঙ্গে গেল বাসনার ঘব,
 আজ হ'তে ফেল অশ্রুধাব
 নিবাসায় জলুক অন্তর ।

ভুলে যাও শৈশবেব খেলা
 ভালবাসা আত্ম সমর্পণ,
 গামাগ অন্তবে এই বেলা
 ছিঁড়ে দেও প্রেমের বন্ধন ।

ফেল সখি ফেল অশ্রুজল
 এস শেষকবি আলিঙ্গন,
 ছিলে তুমি প্রাণের সম্বল
 বিদায় এ জনমের মতন !!

বিষাদিনী ।

ফুরাইল আর কেন ? দেও ওগো খুলে দেও
কববী বন্ধন,

যৌবনে যোগিনী সাজ
সে নাকি লইবে আজ,
বুখা আর কেন বাজ

গিছা জাগাতন ;

সীমন্তের অলঙ্কার
ধসিয়া পড়েছে তাব,
তাই এত হাহাকার

অশ্রু বিমোচন

এস ওগো আর কেন ? খুদে দাও খুলে দাও
কুন্তল-ভূষণ ।

ললাটে সিন্দুর বিন্দু আর কি সাজেলো তাব
নয়ন বঞ্জন ?

যে গিয়াছে তারি সাথে
সে স্মৃশমা-এ ধরাতে
পেয়েছে বিলয় আঁহা

জন্মের মতন ;

হইল স্মন্দব কায়
বিষাদের পূর্ণ ছায়া

মিছা আব কেন মায়ী

বিফল রোদন ;

দেও ওগো মুছে দেও পাষণ হৃদয়ে তার

সিন্দুর শোভন ।

কেড়ে লও কেড়ে লও সুগোল মৃগাল ভুজে

কঙ্কণ-ভূষণ ;

সে যে উদাসিনী আর

এ বেশ মাজেনা তার,

সর্কাদে বিভূতি-তার

করুক বহন,

যাতনার অশ্রুজল

ফেলুক সে অবিরল,

ভেসে যাক বক্ষঃস্থল

নিবুক দহন ;

যাও ওগো কেড়ে লও সুগোল মৃগাল ভুজে

কঙ্কণ ভূষণ ।

তার পর ভাল করে মাজাইয়া দেও তারে

চির-ভিখারিণী ।

রুদ্রাক্ষ কর্ণেব হার

রুদ্রাক্ষ বলয় তার,

জপমালা, স্কুকুমার

কর-বিভূষণী,

নিশি দিন অনশন,
ভৃগ-শয্যা, কুশাসন,
নিরঞ্জে আনাগন
পূরণ কাহিনী,
যাও ওগো দেখে যাও ছয়ারে দাঁড়ায়ে এক
যৌবনে-যোগিনী ।



আহুতি ।

শ্মশানে ।

স্মৃতি ।

বাঁচা গেল ; নিস্তে গেল অলঙ্ক শ্মশান
থেমে গেল হা হতাশ বিষাদের গান ।
পুড়ে পুড়ে বুক তাব হ'য়ে গেছে থাক
যুগিছে শ্মশান আহা যুমা'ক যুমা'ক
সৌরভে আকুল হেথা কেনবে অনিল
আসিতেছ হেসে হেসে মৃদু-গতিশীল ?
যুমেব আবেশে ভোর শ্মশান আগার
মিছে কেন জাগাইতে আইলে আবার ?
তুমি বায়ু আপনার হরণে বিভোব
এ চিতার আচ্ছাদনে আছে বহি ঘোর ।
একটু ফুকারি গেলে উঠিবে জলিয়া
যুমে আছ আহা থাক যুমেই পড়িয়া ।

জাগিলে কাঁদিলে বড় কি কাজ জাগা'য়ে
স্থমিয়ে পড়েছে যদি থাকুক ঘুমায়ে ।

স্মৃতির উক্তি ।

আহা! ভুলিয়া গেলে ? সে যোগো তোমায়
দিবা নিশি সম্বন্ধে রাখিও হিয়ায় !
ভুমিময় এ সংসার করি বিলোকন
করেছিল তোমাবেই আত্ম সমর্পণ !
আহা! ভুলিয়া গেলে সে চন্দ্র বমান
শ্রেমে পূর্ণ-বিকশিত সে চাক নয়ান,
সে সুষমা, সে মাধুরী, সেই স্মৃশান্তন
কান্তিময় চাককান্তি স্মন্দর গঠন ।
আহা! ভুলিয়া গেলে স্মৃধার নিবন্ধ
পিক কল-বিনিমিত সেই কণ্ঠ-ধব !
সেই হাসি সেই কান্না সেই যে বারতা
প্রাণে প্রাণে গিগামিশি মরমের কথা ।
আহা! ভুলিয়া গেলে ? সে যোগো তোমাব
এ জনমে এ সংসারে ফিরিবেনা আর ॥

নীরব-কাহিনী ।

নিরিবিলি বসিয়া হেথায়
 হতাশন জ্বলেছি হিয়ায়,
 কাছে কেও এস না গো ;
 নীববে ঝরিছে আঁখি জল
 নীববেই তুলিব সকল,
 ফিরে কেও চেও না গো ।

ধীরে ধীরে সস্তর্পণে যোর
 জীবন যামিনী হ'বে ভোব,
 ততদিন পড়ে রব ;
 গুণ গুণ আপনাব মনে
 কত গান গাইব গোপনে
 কাহারেও না শুনাব ।
 অবশেষে হ'বে যেই বেলা
 সাক্ষ এই জীবনের খেলা,
 ছুটা কথা রাখিও গো ;
 এই দেহ মিলিয়া সকলে
 ফেলে দিও জাহ্নবীর জলে
 ভেলা জলে ছাড়িও গো
 তরঙ্গে তরঙ্গে তার পর
 চলে যাব দূব দেশান্তর,
 কেও যদি খুঁজে এসে,

বুঝাইয়া বলিও তাহারে
 “সে যে চলে গেছে পরপারে”
 আজীবন ভেসে ভেসে ।

এইখানে ।

এই খানে, মনে পড়ে, এমনি সময়
 হয়েছিল শেষ তার গান সমাপন ;
 এই খানে অতুলন সুধা হাসিময়
 ফুটেছিল শেষকথা জন্মের মতন ।
 পাখী গুলি তারি গান
 আকাশে গাহিয়া যার,
 ফুল গুলি তারি হাসি
 নীরবে হাসিছে হায় !
 প্রেমিকা মাধবী অই
 তাবি প্রেম বুক রেখে,
 সহকারে মাথা রাখি
 বিরহ স্বপন দেখে
 প্রতি হিন্দোলের সনে
 মূহুর্ত সখীর তার,
 বহিয়া আনিছে যত
 দূরের সন্দেশ তার ।

চারিদিকে হেথা যেন
 তাবি ছায়া দেখা যায়,
 নিকটে নিকটে থাকি
 কাহারে খুঁজিছে হায়
 কি যেন রহিয়া গেল
 অতি যতনের তাব
 কি যেন মিটেনি সাধ
 ক্ষুদ্র অই বাসনার !
 এইখান—তাই বৃষ্টি এমনি সময়,
 তাঁবে খুঁজে পাগলিনী ছুখে সারা হয়

স্মৃতি পথে ।

মনে হয় ভুলে থাকি তবু পড়ে মনে ;
 জীবন্ত স্বপন প্রায়,
 আজো যেন দেখি তার,
 স্মৃথে ছুখে সহচর গজনে বিজনে ।
 সাক্ষ্য তান্দটির গত
 চেয়ে আছে অবিরত
 এক দৃষ্টে আগারেই কাতর নমনে
 স্মৃথে সে জীবন পায়
 ছুখে হয় জ্বালাতন,
 সে যেন আজিও মোর

রয়েছে আপন জন !
 আমি কিগো ভুলে তবে
 মনে করি একবার,
 সে কেন আমার তবে
 ফেলে তবে অত্যাধার ?

কুহু।

তুমি আজ জাগাইলে মনে
 সেই গান সেই কথা
 সেই সবসেব ব্যথা,
 ফুটিত যা তারি কণ্ঠ স্বনে
 এমনি সে বিরলে বসিয়া
 গেত গান আপনাব মনে,
 এমনি সে আপনা ভুলিয়া
 অশ্রুজল ফেলিত গোপনে ;
 এমনি সে ক্ষীণকণ্ঠ-স্বরে,
 উহু উহু করিত কখন,
 এমনি সে ব্যাকুল অন্তবে
 দিবালোকে দেখিত স্বপন
 পাখী তো উড়িয়া গেল
 গান কেন মনে পড়ে
 শুনিলে এ কুহু কুহু
 আপনি নয়ন বারে ?

প্রণয় ।

প্রাণাধিক প্রিয়তম প্রেমের আধার
 এ হৃদয় পূর্ণ করি ছিল সে আমার ।
 শুধু এ হৃদয় নয় ;—সংসারে সকল
 তাহারি প্রভাবে যেন ছিল সমুজ্জল ।
 চারিদিকে চরাচর তারি সুষমায়
 নয়নের সিক্ককর ছিল এ ধরায়
 অন্তবের অন্তঃপূব থাকিও কেমন
 সে চাঁদের চন্দ্রাতপে দীপ্ত স্নশোভন ।
 আরো কত কি যে ছিল সমৃদ্ধি তাহার
 হৃদয় রঞ্জন গুণ শক্তি-সন্তার
 সকলি নিমেষে ওগো পেয়েছে বিলয়
 সে গিয়াছে—এ সংসারে ঘটেছে প্রণয় ।

আব স্মিক ।

সখিবে ! এ জীবনেব
 ছিল এক ধ্রুবতাবা,
 তিলেক দরশে তার
 হ'তেম আপনাহারা ।
 আকুল নয়ন-পথে
 সে মাধুরী প্রাণারাম,
 থাকিত বিরাজমান
 নিমি দিন অবিরাম ।

বাজিত নিকুঞ্জে দূরে
 সে বাঁশি নিশিদিন,
 উদাস হইত প্রাণ
 আকুলিত সংজ্ঞাহীন
 ছুটিতাম সে আস্থানে
 কি যেন কি ভাব ঘোবে,
 পলকে ঝরিত আঁধি
 নিশ্বাস বহিত জোবে ।
 এ সংসার ছিল যেন
 স্নেহের নন্দন-বন,
 আলোকে উজল ছিল,
 স্বপ্নময় এ জীবন ।
 তার পর—তার পর
 তাব পর কালানল
 জলিয়া উঠিল হৃদে,
 নয়নে ঝবিল জল
 সে অবধি পুড়ে পুড়ে
 হইয়া গিয়াছে ছাই
 অকস্মাত্ চেষ্টে দেখি
 আগি আর আগি নাই ।

সে যদি গো ফিরে আসে ।

সে যদি গো ফিরে আসে
একবার হৃদি বৃন্দাবনে
দেখা হ'লে নয়নে নয়নে

মুখপানে চেয়ে হাসে !
এতদিন কাঁদিয়াছি বোলে
ডেকে লয় প্রেমময় কোলে
ততোধিক ভাল বাসে !

শতবার চুমনে আমার
থলে দেয় আঁধির ছয়ায়
অশ্রুজলে শুধু ভাসে !

প্রেমভরে করি আলিঙ্গন
কবে কত প্রেম সম্ভাষণ
সুসম্মত প্রিয় ভাষে !

হৃদয়ের যুড়িয় আসন
থেকে যায় জগের মতন
এ আমার ভগ্ন বাসে !

সে যদি গো ফিরে আসে !

সে যদি গো আসে ফিরে ।

সে যদি গো আসে ফিবে
তবে আমি কহিবনা কথা,
জানা'বনা কোন মোর ব্যথা,
ভেসে রব অশ্রুনারে ।

জ্ঞান মুখ করিয়া আঁধার
প্রতিশোধ লইব এবার ;
আসিবে সে ফিরে ফিরে—

কত সেধে যাবে তাব দিন
কত কেঁদে হইবে মালিন
আমারেই ঘিরে ঘিরে

একটুকু আদরের তরে
কত ব্যথা পাবে সে অন্তরে,
মুখে তারি পড়িবে আভাস ;

আমি রব বিষাদে গস্তীর
নয়নে ঝরিবে শুধু নীর ;

—পুড়া মান এখনো জালাস্ ?

নীরবে ।

ফুলতো ফুটিয়াছিল,

কেনগো ঝরিল হায় ?

গাইতে গাইতে পাখী

কেন বা উড়িয়া যায় ?

মৃহল পবনে শুধু
 একটু আঘাণ তাব,
 বনে বনে ফুটে ফুল
 করিতেছে সূপ্রচার ।
 স্মদুব গগনে অহৈ
 সে গানের প্রতিধ্বনি,
 শূন্য পথে ঘুরিতেছে
 কাহার সন্ধান গণি ;
 শুধু মাঝে মাঝে এসে
 তাবি উখলিত চেউ,
 হৃদয়ে জাগায় দেয়
 গান গেয়েছিল কেউ ।
 প্রকৃতির নীরবতা
 দেখিলেই মনে হয়,
 নীরবে ফুটিয়া ফুল
 নীরবে ঝবিয়া যায়

—

ললনা-হৃদয় ।

জানিতাম আমি, আহা !
 কেমন হৃদয় তার,
 কত হৃদে নিশি দিন
 ফেলিত সে অশ্রুধার !

প্রতি নিশ্বাসের বায়ে,
 নীরব নয়ন জলে,
 কত কথা হৃদয়ের
 সে আমায় দিত বলে !
 আত্মাহারা দৃষ্টি তার
 কমল-নয়ন-কোণে
 নিশি দিন শত ব্যথা
 জানাইত নিবজনে ।
 একটুকু আশ্রমেব
 ছিল সে যে কাঙ্গালিনী,
 একটুকু প্রণয়েব
 দীনহীনা ভিখাবিনী !
 একটুকু ফিরে চাওয়া
 একটু আশ্বাস দান,
 তাতেই সে আগনায়
 কবিত কৃতার্থ জ্ঞান ।

পরিত্যক্ত ।

একদিন যদি হায় ছিলাম তোমার
 হৃদয়-সর্বস্ব-নিধি প্রীতি-পাবাবাব ;
 নয়নের স্নিগ্ধতার অঞ্চলেব ধন
 আশার সবসে ফুল কুসুম-রতন ;

পিপাসায় শাস্তিজল ব্যথায় মাঞ্চনা,
 শোকে আঘাটের ধাবা, স্মৃথে অশ্রুকণা,
 এক দিন যদি হায় ছিলাম সকলি
 কেমনে নিমেষে সব দিলে জলাঞ্জলি ।
 উপেক্ষায় গেলে ফেলে, পশ্চাতে আমায়
 অলক্ষে আপন পথে গেলে চলে হায় ;
 ভাল দিলে প্রতিশোধ ভাল বাসিবাব
 এই বৃষ্টি ছিল শেষ অন্তরে তোমাব ?

দেবতা ।

তুমি দেবী মূর্তিগয়ী, এ মরত ভূমে,
 কলুষিত এ দুর্গমে কেন তবে এলে ?
 সাধ ক'রে সংসারের পড়ি শোক-ধূমে
 কিবা স্মৃথ কি অমৃত বল আছা ! পেলে ?
 তুমি স্বরগের বালা, শ্মশান আশ্রয়
 সাজে কি তোমার দেবি ! হুঃখ জালাময় ?

দীর্ঘ পর্য্যটনে এই জীবন-প্রাস্তরে,
 কণ্টক-কঙ্করপূর্ণ সঙ্কীর্ণ পন্থায়,
 অন্ধকার বিভীষণ বিজন কন্দরে,
 কত কি লাঞ্ছনা দেবি ! ঘটে পায় পায় ।
 তুমি পূর্ণ কোমলতা, সুষমার স্থান,
 এ যে গো সংসার ভীম বজ্রব পাষণ ।

■ যে গো শাসান, আহা ! ত্রিতাপে ভীষণ ।

অই শোন, পিশাচের বিকট নিনাদ,

অই শোন কালান্তক অহির গর্জন

অই দেখ মূর্তিময় অনন্ত বিষাদ,

প্রেমের পুতলি তুমি আনন্দরূপিনী

মরতে বহিলে কেন পুত-মন্দাকিনী

বিধির বিধান । আহা আঁধাব নিশায়

একটা প্রদীপ যদি শিরবে ন জলে,

বিজনে একাকী প্রাণী কাঁদিয়া বুঝায়,

ভয়েতে বিহ্বল চিত্ত স্বপনের কোলে ;

স্বপনেতে হয় তার ছুথের যামিনী—

অধিক ভীষণ৩রা যাতনা-দায়িনী ।

কিন্বা শুক মরুভূমে বালুকা শয্যায়,

আকুল পথিক কোন তৃষায় বিভল,

করে যবে হাহাকার ঘোর যাতনায়

নিরাশায় ফেলে শুধু নয়নের জল ;

অদূরে সলিল চিহ্ন না দেখিলে হয়

আতঙ্কে জীবন্মৃত হয় এ ধবায়

পাপে তাপে কলুষিত মানব যখন

সুদীর্ঘ জীবন পথ সম্মুখে হেবিয়া

ত্রাসিত হৃদয়ে কবে অশ্রু বিমোচন,


বাওনাব শত চিত্তা বুকতে চাপিয়া,

সস্তাগিত সে হৃদয়ে পবনে তোমাব
নিমিষে উথলি উঠে স্মৃথ পারাবাব

ভারত-ললনা ।

প্রাণ তার ভালবাসা, সতীত্ব ভূষণ,
মহাত্মত পর-স্মৃথে আত্ম-বিসর্জন
প্রাণ-প্রতিভা পূর্ণ হৃদয়-মন্দির
পবিত্র প্রতিমা তাহে বিরাজে পতির ।
প্রেম-ভক্তি পারিজাত দিয়ে উপহার
নীলবে সে মূর্তি দেখে ইষ্ট দেবতার
সে প্রাণে যে প্রাণ তার রয়েছে জড়িত
তারি প্রেমে হ'য়ে আছে আপনা-বিশ্বিত ।
নিশি দিন সশঙ্কিত বিচ্ছেদের ভয়
জাগরণে স্বপনের করে অভিনয় ।
থাকি থাকি কাঁপি উঠে, সরস-ভূষণ
নীলবে অলক্ষ্যে কেও করে উন্মোচন !
সমতায় বিশ্ব-প্রাণ, স্বভাব সরল
ধরমে বিশ্বাস আছে নিযত অটল
ব্রত ধর্ম যাহা কিছু পতিই তাহার
প্রেমে দেখে পূর্ণ ছায়া বিশ্ব-বিধাতার ।

তার লাগি পাবে সে যে জলন্ত চিতায়
জীবন্ত আহতি দিতে তুচ্ছ আপনায় ।
তারি মুখ চেখে * ত হুঃখ জ্বালাতন
নীৰবে ভুলিয়া থাকে জন্মেব মতন ।



আহুতি ।



যাত্রা-পথে ।



অনুভূতি ।

যা ছিল সকলি গেছে কি আব রাখিলে হে

সংসারে আমার—

ছদ্‌পিণ্ড বিদারিয়া

কাড়িয়া লইলে হিয়া,

অনুভূতি রেখে গেলে পশ্চাতে তাহাব ;

জ্বালাইতে বুঝি তুমি এ বিধি করিলে হে

সংসারে প্রচার ।



নৈরাশ্য ।

বড় সাধ যায়

কাঁদি সদা বিজনে বসিয়া

আপনারে মোর

নিয়তির হাতে অবপিয়া ।

বাসনা-নিগ্‌ড়
 ছিঁড়ে দিই জনমের তরে,
 করম-বিহীন
 পড়ে থাকি সংসার-কন্দরে ।

স্নেহের বন্ধন,
 প্রণয়ের মিছা অভিনয়,
 ভুলে যাই সব
 সংসাবেব দাবী দেনা ভয় ।

আশার সরসে
 যে কয়টা সাধনাব ফুল
 ফুটেছিল, সব
 ছিঁড়ে দিই সন্দেহে আকুল

গুন্ গুন্ ব'সে
 গাই শুধু মরমের গান,
 প্রাণের ভিতর
 যাতনার জলুক শ্মশান

ভগন হৃদয়ে
 এমন ক'দিন কাটে আঁব ?
 উত্থান পতন
 আজীবন হ'ল বারম্বার ।

দেখিতে দেখিতে
কত আশা পাইল বিলম্ব,
নিমেষের মাঝে
ঘটিল বা কত বিপর্যয় ।

এ ভাবেই যদি
এ জীবন যাইবে আমার
জলুক অন্তবে
হতাশন তীব্র নিরাশার ।

লক্ষ্য-হীন ।

নিয়তির কূট চক্রে সংসাবে যখন
খুলে যায় একবার হৃদয়-বন্ধন,
লক্ষ্য-হীন, দিশাহারা—অজ্ঞাত পন্থায়
ব্যথায় ব্যথিত নর কোথা চলে যায় !
কোথা যায়—কিষে চায় না পায় খুঁজিয়া
ঘুরে শুধু চারিদিক লক্ষ্য হারাইয়া
সংসার শ্মশান তার বিষাদে মলিন
বর্জমান, ভবিষ্যত, অঁধারে বিলীন ।
প্রজলিত থাকে হৃদে বিষম দহন
চারিদিকে অন্ধকার করে বিলোকন ।
মর্মান্বিত যাতনায় প্রাণের সম্বল
অশ্রুজল হেথা তার শুধু অশ্রুজল ।

অপহৃত ।

হৃদয়ের মাঝে, যেথা
 অযুতে ফুটিত ফুল,
 অনিল বহিত স্মৃথে
 সৌভেতে সমাকুল ;
 কুহরিত কুহ কুহ,
 বসন্তের পিকরাজ,
 পাপিমা পঞ্চমতানে
 বসুধায় দিত লাজ ;
 বহিত তটিনীকুল
 কুল কুল নিশিদিন
 প্রাণের দেবতা এক
 ছিল যাহে সমাসীন ;
 হৃদয়ের মাঝে, সেথা
 বলিতে বিদরে প্রাণ ;
 পড়ে গেছে ফাক্ আর
 পূরিলনা শূন্য স্থান !
 অপহৃত যাহা কিছু
 ছিল আদরের মোর
 স্বপন ভাঙ্গিল, দেখি,
 যামিনী হয়েছে ভোর ।

আমন্ত্রণ ।

দেখে যাও পাহুবব ! এখানে আশাব
 সাধের কানন এক ছিল স্মৃতি-সার ;
 ফুটিত প্রসূন, কত গুঞ্জরিও অলি
 বহিত মলয় বায় প্রেমে ঢদি ঢলি ;
 নিবিড় নীরেস্ত্রে হেরি কলাপি নর্তন,
 এখানেও হ'ত কত পত্রি-শিজন ।
 এখানেও ছিল এক মানস-সাগর
 কণক-কমল যাহে ফুটিত স্নন্দব !
 এখানেও পারিজাত ছিল স্মশোভন
 অঙ্গরার অনিন্দিত কুন্তল ভূষণ !
 দেখে যাও পাহুবব সাধনার কত
 সে কানন হ'য়ে গেছে ভস্মে পরিণত ।

প্রভঞ্নে ।

একদিন ফুল মনে বসন্ত উষ্ম
 ছিন্ন মস্ত ফুল-বনে পেমোদ খেলায় ।
 হরেছিল আশুহারা মলয়ের বায়ে,
 কুজ্ঝাটি রেণুর মত আপনা মিশায়
 হেন কালে কোথা হ'তে পশিল হিয়ায়
 তরুণ-অরুণ-জ্যোতি মধুর উষায় !

সহসা মধুপ কুল করিল ঝঙ্কার
 গাইল বিহগ, প্রেমে পুরিল সংসার ।
 চেয়ে দেখি প্রাণ পূর্ণ তাহারি ঘটায়
 উথলিও আলোকিত বিমল-বিভায় !
 কিন্তু সথে ! চিরদিন থাকেনা কখন
 অবিচ্ছিন্ন গান্ধুয়ের সুখের স্বপন ।
 সহসা বহিল তাই প্রলয়ের বায়
 হয়ে গেছি ভগ্ন-প্রাণ তাই এ ধরায়
 বৃন্ত-চ্যুত ফুল কটা রয়েছে পড়িয়া
 ভগ্ন-শাখ তরু গুলি আছে দাঁড়াইয়া ;
 নাই আর কোন চিহ্ন এখানে আগাব
 ছিল যে কানন এক বড় সাধনার ।

অসহায় ।

সারাদিন ঘুবিয়া ঘুরিয়া
 শিথিল অবশ অঙ্গ হিয়া,
 আগি আব পারিনা চলিতে ;
 দীর্ঘ পথ সম্মুখে আমার
 জানিনা কেমনে হ'ব পার,
 জীবনের এ হুখ নিশিতে ।
 কেও বুঝি নাই হেথা আর
 সহযাত্রী পথিক আমার
 —অন্ধকার বিজন পহায়

চারিদিক বিভীষিকাময়,
 আমি কি গো আছি এ সময়
 পড়ে হেথা একা অসহায় ?
 এত দূর, এত দূর দেশে
 অবহেলে পড়িলাম এসে ;
 কোথা মোর স্বদেশী স্বজন ?
 এ আঁধারে দেখি অসহায়
 কে লইবে ডাকিয়া আমায়
 দিব্যপথ কবি প্রদর্শন ।

এতদূর ।

এতদূর মানব জীবন
 ঘুম-ঘোরে হয় অচেতন ?
 এতদূর স্বপনে আবার
 আত্মহারা হয় বারম্বার ?
 জাগাইলে না মেলে নয়ন,
 শুধাইলে না কহে বচন,
 জীবন্তের মৃত্যু-অভিনয় !
 এতদূর ঘটে বিপর্যয় ?

শৈশব-স্বপন ।

সে ছিল প্রাণের এক ছুঁদম পিপাসা
 আপনাকে ভুলে গিয়ে পরে ভাল বাসা ।
 আপনার সুখ ভুলে পবেব কাবণ
 দিবানিশি নিবজনে অশ্রু বিসর্জন ;
 আপনায় হারাইয়া আত্মীয় সন্ধান
 কল্পনায় বাসনাব প্রতিমা নির্মাণ ;
 সে সব গিয়াছে ; তবে এখন তখন
 জাগে স্মৃতি, অতীতের নিশাব স্বপন ।
 মনে হয় কত কিছু, শঙ্কায় পরাণ
 কাঁপে, কভু হই লাজে আনত বয়ান ;
 কত কিছু কাল চিরু পড়েছে হিয়ার
 মুছিল না আর বুঝি মুছিব না হয় ।
 এ পাপের মার্জনা কি পাইব কখন ?
 সে সব ছিল যে মোর শৈশব স্বপন !

অব্যক্ত ।

তোমায় বলিব বলে ভেবেছি যখন,
 মাথায় হইত শত অশনি পতন ;
 ভয়ে প্রাণ ধর ধব কাঁপিত আমার
 আকুল হ'তেম ভেবে দুর্গতি অপার ;

ভাবিতাম, একদিন জানিবে যখন,
 কতদূর অভাগার হয়েছে পতন,
 স্থগাভয়ে যাবে চলে থুথু ফেলে গায়
 নরকের কুমি ভাবি তীব্র উগেশ্ফায় ।
 অন্ততপ্ত হবে তিল ভাল বাস বলে
 আপনায় ছেয় জ্ঞান কবিরে বিরলে ।
 অশান চাগিয়া বুকে যত কষ্টে হায়
 কাটায়েছি এ জীবন বুঝান না যায় ।
 ফেটে গেল বুক তবু মুখ ফুটিল না
 প্রাণেই রহিল যত প্রাণের যাজনা ।

হেথায় ।

ভাল বাস ? তাই ঢের মোব ;
 আর কড় এস না হেথায়,
 পুতি-গন্ধময় এই ঘোর
 নরকের চতুব সীমায় ;
 দূরে থাক ছুই(ও) না আমায়
 পড়িও না জলন্ত শিখায়
 কলুষিত অশান্তি অনিল
 হেথা মোর বয় চারিধারে
 বিষদিক্ত প্রপীড়ন-শীল
 মানুষের জীবন সংহারে ।

একবার কবিলে সেবন
সাবধান ! নিশ্চয় মরণ ।

চেষ্টে দেখে অন্তরে আমার,
বিষ-বহি জ্বলেছে ভীষণ,
কোন মতে নাহিক নিস্তার
হেথা এসে পড়িলে কখন ;
থাক থাক দুবেই হোথায়
সাবধান ছুই (ও) না আমার ।

সংক্রামক ব্যাধিগ্রস্ত হ'য়ে
হেথা আমি ফেলি অশ্রুজল,
অনুগুণ ব্যথিত হৃদয়ে,
ভুঞ্জি নিজ দুষ্কৃতির ফল ;
ভোগাদের বলি বার বার
হেথা এসে কাজ নাই আর ।

সান্ত্বনার নহে এই কাল
ফিরিবার গিয়াছে সময়,
কেন বৃথা বাড়াও অঞ্জাল ?
জ্বলুক এ সন্তপ্ত হৃদয় ;
ডাকিতে এস না হেথা আর
মিছা আশা করি ফিরিবার ।

অথবা শুনেছ দুব হতে
 হাহাকার করণ রোদিন,
 পারিলে না তাই স'য়ে র'তে,
 আসিয়াছ করিতে মোচন,
 হুথ জালা হ'তে অভাগায়
 দিতে স্থান প্রেমের ছায়ায় ?

ফিরে যাও ; পাণীর ক্রন্দন,
 রাক্ষসের কুহকে জড়িত ;
 কেন হেথা আসি অকারণ
 হ'তে চাও নিজে প্রবঞ্চিত ?
 থাক থাক দুবেই হোথায়,
 কাছে মোর আসিওনা হায় ।

চিরতরে দেও ফেলে ছিঁড়ে,
 প্রণয়ের প্রীতির শৃঙ্খল
 বরষণ কর এই পিরে,
 উপেক্ষার স্তম্ভীত্র গরল
 ভুলে ফেল, কখনো বা শেষে
 আকর্ষণে হেথা পড় এসে ।

কত জন এল, হইল বা কত
 হৃদয়ের বিনিময়,
 আমারি মতন, বেদিয়া বণিক
 দিল এসে পরিচয় ।

প্রাণেব বেদনা, প্রাণেই রহিল
 হৃদয়ের ক্ষত বাড়িল আরো,
 নয়নের জল, নয়নে শুকালো
 টলিলনা হৃদি তবুও কারো !

ঠেকেছি, শিখেছি, বুঝিয়াছি তাই
 এ পথে জীবন চালান ভার,
 ভগ্ন হৃদয়ে, সাঁঝের সময়
 কিরিব মনন করেছি সার

নির্বৃত্তির আত্মহত্যা ।

তোমাদের সাথে
 যদি তার হয় কোথা দেখা,
 বলো মনে করে
 আমি তার পড়ে হেথা একা

কত দিন আজ
 গুনি নাই আখ্যাস বচন,
 আলিঙ্গনে তার
 झুড়ায় নি তাপিত জীবন ।

নয়নের জলে
 ভাসি নাই উভে উভয়ের,
 হাসির হিল্লোল
 বহে নাই অধরে ছয়ের ।

সে দিন যখন
 উপেক্ষায় আইলাম চলে,
 বিষাদে বয়ান
 ছিল তার আবৃত অঞ্চলে

কম-কণ্ঠে অই
 ফুটেছিল শেষ আকিঞ্চন,
 “চলিলে কি তবে
 জীবিতেশ জন্মের মতন ?”

হয়ে গেছে হায়
 কত শত যুগ যুগান্তর
 বাজিতেছে প্রাণে
 আজো ধেন সেই কণ্ঠ-ধ্বর ।

এত দিন তার
পাই নাই প্রেম-পরিমাণ,
আঁধারে পড়িয়া
বুঝিয়াছি আলোর সন্ধান ।
সে কি বেঁচে আছে
এতক্ষণ আগারে ছাড়িয়া,
হয় তো বা কোথা
গেছে চলি কাঁদিয়া কাঁদিয়া ।

উদাসিনী বশে
কোন বনে লয়েছে আশ্রয়,
উদ্বন্ধনে প্রাণ
দিয়াছে বা হ তেছে সংশয় ।

সে যে ছিল মোর
পরাণের শৈশব সঙ্গিনী,
সাস্থনাব স্থান
নিরমল স্মৃতি-বিধায়িনী ।

কণ্টক প্রহারে,
ক্ষত দেহ অবসন্ন প্রাণ,
ফিরিলাম যদি
পাইব কি তাহার সন্ধান ?

শব-সাধন ।

এ কেবল অশ্রু-বষণ,
 গরমের শুষ্ক হাহাকাব,
 হতশের প্রলাপ বচন,
 খেলা লয়ে অনন্ত অঙ্গার ।

ভুলেছি যা তাহারি আবার
 হ'বে আজ পুনরোধন,
 কবির গো অনন্ত চিতায়
 আজ শেষ আহুতি অর্পণ ।

শ্মশানের ভঙ্গ রাশি লয়ে
 আজ আমি মাথাইব গায়,
 উদাসীন উন্মাদের বেশে
 শেষ গান গাইব ধরায় ।

মুষ্টি-ভঙ্গে শবদেহ গড়ে
 আজ তারি করিব সাধন,
 পুত ব্রহ্ম-গল্প উচ্চারণে,
 দিব তায় অনন্ত জীবন ।

সাধনার সিদ্ধি যদি হয় ?
 কে জানে তা হবে কি না হ'বে—
 হতশের প্রলাপ বচন
 কে শুনেছে সত্য হয় কবে ?

স্বপ্ন ।

আমার এ স্নেহের স্বপ্ন
 ভাঙেনা ভাঙেনা যেন ভাঙেনা কখন
 ভগ্ন হৃদয়েব মোব
 এষে গো বন্ধন ভোর !
 মবমের যত কথা
 এ স্নেহেই আছে গাথা—
 এ গ্রন্থি ছিঁড়িলে শেষ হইবে জীবন ।
 একটু আরামে আছি
 কাছে এবি থেকে থেকে,
 একটু ঘুমাতে দাও
 তারি বুকে মাথা রেখে ।

কে ।

হতাশন কে জালায়ে দিল
 পরাণেব নিভৃত ঞ্ছায় ?
 অনন্ত এ পিপাসা আমার
 ধীরে ধীরে কে ক্ষুদে জাগায় ?
 কে আমার শ্মশানে বসিয়া
 শব-দেহ করিছে সাধন,
 বাজাইল কে অই গহনে
 সহসা এ বাঁশরি বাদন ?

ওগো ! তুমি থাম, দেখ চেয়ে
 এ নরক, পুরীষাদিময় ॥
 এখানে সাজেনা দেবী কভু
 স্বরগেব শাস্তি অভিনয় ।

সে ।

সে কেমন সেই জানে ;
 হৃদয় দর্পণে তার,
 হয় জানি এ জগত
 প্রতিভাত হয় অনিবার ;
 সে মাধুবী আপনায়
 লুকায়িত থাকে প্রায়,
 সে ফুল আপন গন্ধে
 আপনি মঞ্জিয়া রয়,
 সে হাসি আপন রনে
 আপনিই উছলয় ।

শেষ ।

ভাল করি সাজাইয়া তারে
 যাওগো—
 সঙ্গে দিয়ে পাথের সম্বল
 দাওগো ।

আহুতি ।

আদর্শ-প্রেমে।

তুমি ।

তুমি এক হৃদয়ের বাহিত বসন
অক'ঙ্ক'র তৃপ্তি হেতু শক্তি'র ক'রণ ;
তুমি এক পবাণের দেবতা আমাব
পিপাসিত কঠে ধারা স্বর্গীয় সুধার ;
তুমি প্রেম প্রবাহের পুত প্রস্রবণ
প্রাণাবাম সুবিমল সুখ নিকেতন ;
তোমারি তোমারি লাগি,
হয়েছি সর্বস্ব ত্যাগী
দীনহীন আপনায় কবেছি এমন ।
পাপী নবাধম বলে
উপেক্ষায় যাবে চলে ?
হৃদয় দলিয়া যাবে জনের মতন ?
তবে যোগো এ সংসারে
চাহিবে না কেও ফিরে,
উপেক্ষিত, অশ্রনীবে থাকিব মগন !!

সেই দিন ।

জীবনের সেই দিন ভুলিব ন আব,
 স্মৃতির সাধনা-প্রিয় সে মাহেক্ষণ,
 যে দিন নয়ন কোণে প্রেম-অশ্রুধার
 প্রথম ঝরিয়াছিল তোমার কাবণ
 সে দিন সে দিন প্রিয় ছিল একদিন
 প্রণয়ের জন্মতিথি পবিত্র নবীন

বাসনা বিহীন হ'য়ে সে দিন তোমায়
 ন' জ'নি কেমনে প্র'ণ ক'ষি সমর্পণ
 উদাসীন হ'য়ে আজ ফিরিছি ধরায়
 আত্ম-হাবা, মণিহাবা ক্ষণীক্স যেমন ।
 স্মৃথ হুঃথ যত কিছু জন্মের গতন
 সে দিন দিয়াছি আছা । চির বিসর্জন ।

সেই দিন হ'তে আমি হ'য়েছি পাগল
 অলক্ষ্যে তোমাবি পানে রয়েছি চাহিয়া
 শয়নে স্বপনে ধ্যানে তোমারে কেবল,
 ডাকিছি নীরবে নাথ পবাণ ভরিয়া
 সে দিন আমার আমি গেছে হাবাইয়া
 সেই দিন হ'তে আমি বেড়াই কাঁদিয়া

মনে পড়ে, সেই দিন যখন তোমায়
 ঘুম-ঘোবে একবার দেখিছু স্বপনে



মহা উচ্ছ্বাসের স্রোত বহিল হিষায়,
 বাজিল স্বরগ ডঙ্কা মরত ভুবনে ।
 ভাবিলাম আমি বুঝি হয়েছি পাগল
 কল্পনায় আত্মহাবা প্রমোদে বিভল
 স্মৃধ নিশি অবদান হইল আমার !
 ভাঙ্গিল স্বপন আছা ! ঝবিল নয়ন,
 চারিদিক দেখিলাম যেন অন্ধকাব
 কুয়াসা আচ্ছন্ন কিম্বা কেমন কেমন ।
 তেমন সবল ভাব তেমন বাসনা
 আর ফিরিবে না বুঝি আর ফিরিল না ।

আকর্ষণ ।

দিবানিশি সন্মোপনে তোমারি কাবণ
 হৃদয়ে হৃদয়ে বয় প্রেম প্রস্রবণ ;
 কণক-কুসুমাজলি চবণে তোমার
 দেই গাঁথি প্রণয়ের পাবিজাত-হার ।
 অন্তরের অন্তরালে দেখিয়া তোমায়
 মাঝে মাঝে ঝরে অঁথি অজস্র ধারায় ,
 তুমি দূরে স্বর্গপুরে আছ বিরাজিত
 আমি হেথা নবকের কুমি বিড়ম্বিত ;
 কত ব্যবধান ! কিন্তু আত্মায় আত্মায়
 কি যেন বন্ধন ঘোর বয়ে গেছে হায় ।

দূরে দূরে যত দূরে করিছি প্রয়াণ
এ শৃঙ্খল বেড়ে যায় অটুট পাষাণ ;
কি মধুর প্রিয়তম প্রেম-আকর্ষণ
তোমার তোমার প্রিয় তোমাৰি কারণ ।

সঙ্গোপন ।

ছি, ছি, ছি, লজ্জাব কথা, প্রেমেব চুসন
করিবে আগায় তুমি এখন তখন ;
আমিও যাইব সেই সোহাগে গলিয়া
দেখিব ও মুখখানি পরাণ ভরিয়া ?
গাইব প্রণয় গান, হাসিবে যখন ;
হাসিব, করিব কত প্রেম সস্তাষণ ;
সংসারের পাপ চক্ষু আড়ালে থাকিয়া
দেখিবে এ প্রেম-লীলা হাসিয়া হাসিয়া ?
এ নাথ পবিত্র প্রেম, লজ্জা আভরণ
নবীন প্রেমের এই কুসুম-ভূষণ
তাই বলি ছেড়ে দেও থাকুক গোপন,
আমাব এ প্রেম নাথ, মধুব মিলন ।
বারেক সংসারে ছুটী যাই একবার
অনেক কবিত্তে কাজ রয়েছে আমার
হৃদয়ে হৃদয়ে তোমা করি আলিঙ্গন,
সকলি কবিব মোর কর্তব্য সাধন

গৃহকাজ শেষ করি আসিব ছুটিয়া,
 আবার ও বুকে গোর মুখ লুকাইয়া,
 কাঁদিব প্রেমের কাণা নীরবে তখন
 দেখিবেনা কেও তবে সে মুখ মিলন

উচ্ছ্বাস ।

কি বলিব প্রিয়তম কি বলিব আবে
 কতই যে মধুবতা

মুখ পেম পবিত্রতা,

কতই যে নিরমল সুধাব ভাণ্ডার,

কতই সুন্দর হাস,

প্রেমমুখ বসুধায়

নয়নের স্নিগ্ধকব স্ত্রীতির আধাব

বলিব কি প্রিয়তম নহে বলিবার

লেগে আছে অই রূপ নয়নে নয়নে,

তোমারও প্রেমস্রীতি

মধুব প্রণয়-গীতি

পারিব না পাশবিত্তে এমর জীবনে ।

ওই হাসি ওই মুখ,

ওই শান্তি ওই মুখ,

ওই যে সরল ভাব প্রতি আলাপনে

ভুলিবার নহে দেব ভুলিব কেমনে ?

সতৃষ্ণ নয়ন আগে মূবতি তোমার
 কত যে সুন্দর হায
 বলি কি বুঝান যায়
 কল্পনায অমুভূতি না হয় তাহাব ;
 তিলেকেব দবশনে
 তিলেকের সন্মিলনে,
 তিলেকের আলিঙ্গনে কি বলিব আর
 উখলি উঠেছে হৃদি প্রীতি পারাবার

যেওনা ।

তুমি যদি থাক দুবে না জানি কেমন
 পবাণ অধীর হয় বড় উচাটন ;
 আপনি নয়ন ধারা ঝরু ঝবু ঝরে
 নিশ্বাস প্রেলয় বায়ু বহে এ অন্তরে ,
 সঘন কাঁপিয়া উঠে হৃদয় আগার
 নিখিল জগত হেরি সকলি আঁধার .
 তাই বলি একা ফেলে যেওনা আগায়
 ভীষণ নিরাশা পূর্ণ হৃথের ধরায় ;
 নিকটে থাকিও সদা, বেথ কবি কোলে
 সঘন চুষন দিও পাষাণ কপোলে,
 নয়নে ঝরিলে জল দিও মুছাইয়া
 অমনি প্রাণের ব্যথা যাইব ভুলিয়া ;

আড়ালে লুকায়ে থেকে আর কাঁদা'ওনা
আমায় কাঁদাতে গিয়ে নিজেও কেঁদোনা”
জান তো স্বভাব ; যদি কাঁদি একবার
সহজে হাসিটা মুখে ফুটেনা আমার

নবীন-তপস্বিনী ।

সে আছে, কাছেই আছে, যায় নাই বেশী দূর,
এত যে অধীর হও মাছুয়ে বা বলে ফেলে
“নবোঢ়া কুলেব বধু এত নির্ভঙ্জতা তোর
ছদ্মিনে স্বাগীর প্রেমে মজেছিম্, অবহেলে
সংসারের নিন্দা কিম্বা সমাজ-শাসন ভয়
তুই বে চপলা বালা—বেশী তত ভাল নয় ”

যদি কেও দেখে ফেলে মবমে যাইবি মরি
সরমে লাজুক মেয়ে হয়ে যাবি দিশাহাবা ;
উপহাস যদি এসে করে কেহ কাত ধরি ;
বালিকা স্বভাব তোর কাঁদিয়া ছইবি সারা,
কথাটাও ফুটিবেনা নীরব নয়নজল
বলে দিবে কেন তুই হয়েছিম্ সচঞ্চল

বাঁধা চাই ; তা না হলে প্রেমে কিলো সুখ আছে ?
মাঝে মাঝে দূর হতে আড়ালে লুকায়ে থেকে

চুপি চুপি মুখখানি দেখিস্ দেখিস্ পাছে
সংসারের কেও যেন খেলা তোর নাহি দেখে ;
ক' দিন ? এ প্রেম তোর গভীর হইবে যবে
লাজ নিন্দা অপমান তখন কোথায় রবে ?

অধিকার ।

ঠিক কথা ; এক আধটু ভাল বাসি বলে
নাই কিছু অধিকার তোমার উপর ;
নিশিদিন এত কথা তোমায় তা হ'লে
সহিতে হ'তনা নাথ কভু নিরন্তর
আমার তো ভালবাসা এখন তখন
টলে যায় কমে যায় কত শত বাব ;
তুমি ভাল বাস, তেই দেই জালাতন
তাতেই তোমার 'পরে আছে অধিকার
কিছুতে এ অধিকার বাইবাব নয়,
ভাল বাস, তাই এত পেয়েছি প্রার্থন ।

নিদর্শন ।

ভাল ভাল ! কাঁদান কি স্বভাব তোমার ?
স্বার্থী হও মানুষের শুনি হাহাকার ?
তা না হ'লে যত কাঁদি তুমি তত হাস
অথচ জানাও যেন কত ভাল বাস

যতই আকুল আমি, তুমি তত স্থির,
 নিশ্চিত, আনন্দ, পূর্ণ, প্রশান্ত, গভীর
 বুঝিনা কেমন প্রেম, প্রণয় তোমার
 কেমন বা ভাল বাসা, কেমন ব্যভার ।
 আমি কিন্তু কাঁদিয়াই স্থখ পাই বড়,
 তাতেই তোমার লাগি কাঁদি নিবস্তব
 একদিন বিরাজিবে হৃদয়ে আমার ।
 তখন বলিব নাথ ! কত অশ্রাব,
 ফেলিয়াছি নিরঞ্জে তোমার কারণ
 তুমি বা হেসেছ কত গুনি সে বোদন
 সে দিন সে দিন দেব ! হইবে কেমন
 বুকে এ অশ্রাব নদী প্রেম-নির্দশন ?

প্রতীক্ষা ।

দূবে দূবে তুমি কোন্ পুরে,
 করিতেছ স্থখে বিচরণ,
 তুমায় আকুল হেথা আমি
 বসে আছি তোমার কারণ
 কতক্ষণ আছি প্রতীক্ষায়
 অনিমেষ চেয়ে পথ পানে,
 পরাণের দেবতা আমার
 অধিষ্ঠিত হইবে পরাণে ।

পেলে তোমা পলকে হারাই,
 হেবি আঁখি তিরপিত নয়,
 একবার ক্ষণেকের তরে
 হেথা আসি জুড়াও হৃদয়

ছনমনে দেখিব এবার
 যোগী জন-মোহিনী সুবতি
 ডুবে অহি সৌন্দর্য্য সাগরে
 করিব গো তোমাবি আবতি ।

শূণ্ণ ঘর শূণ্ণ পড়ে আছে,
 চন্দন চর্চিও সব ফুল
 হেথা হোথা রয়েছে ছড়ায়ে,
 আপনার সৌরভে আকুল ।

পূজিবাব সাধ গেছে বড়,
 অঙ্কুর-চন্দন-চূয়া দিয়া
 ও চরণ সরোজে তোমার ;
 এস দেবি : জুড়াও গেম হিয়া

ভুলেছি ।

বলিব বলিয়া আমি আছি এতক্ষণ
 দাঁড়াইয়া এইখানে তৃষিৎ-লোচন ।
 আসিবে আসিবে বলে ছিছু প্রতীক্ষায়
 এখন আসিলে যদি কি বলিব হায় !
 সব আমি ভুলে গেছি দেখে অই মুখ
 বাসনা নাহিক যেন কোন শোক হুখ
 কেবল দেখিতে তোমা ? শুধু তাই নয়
 বলিবার ছিল কিছু ভুলেছি নিশ্চয়

ব'ল তাঁরে ।

বল তাঁবে, এ জীবন তাঁহারি লাগিয়া
 নিশিদিন শত বাধা রয়েছে সহিয়া
 শোকে হুখে তাঁরি কথা কবিয়া অরণ
 দুর্ভহ জীবন ভাব করিছি বহন ।
 মাঝে মাঝে তাঁরি প্রেম কবিয়া আশ্রয়
 ভগন হৃদয়ে হয় আশার উদয় ।
 বল তাঁরে, তাঁরি মুখ দেখিব বলিয়া
 এ দুর্গম পথে আমি চলেছি ছুটিয়া ;
 মরমেব অন্তরালে মূর্তি তাঁহার
 স্বপনের ছায়া দেখি অনিবার,

লুকান মাধুরী সেই মনোমুগ্ধকর
 অদৃশ্যে থাকিয়া করে অধীর অন্তর
 বল তাঁরে একবার শুধু একবার,
 জনমেব দেখা দেয় বাসনা আমার ;
 আরো বলো, কত কথা রাখিয়াছি মনে
 দেখা হ'লে কাছে তাঁর বলিব গোপনে ।
 সে যদি না দেখা দিবে, বল তবে হায়,
 এ মোর মবম গীতি শুনাব কাহার

এতদূরে ।

এতদূরে—তুমি কি হে
 এতদূরে চিব দিন,
 থাকিবে বিরাজমান
 আজীবন নিশিদিন ?
 ভুলেও বারেক হায়
 চাহিবেনা ফিরে তায়
 যে জন তোমায় খুঁজে
 হইল আপনা-হারা,
 ঝরিতেছে নেত্র যার
 অবিরাম অশ্রুধারা

স্বর্গের ছয়ার ।

সুবভি-কুসুম-যুত নন্দন কানন,
 মলয়-সেবিত কুঞ্জ, পুথ-উপবন ;
 মরাল কুজিত স্নিগ্ধ মানস-সাগর,
 অমল কমল যাহে মনোগুঞ্চকব ;
 পিককল বিকসিত-কুসুম-মন্দার
 কিরীতী-গায়ন, মৃদু-মধুপ-ঝঙ্কার ;
 সকলি হে ও হৃদয়ে রয়েছে তোমার
 দেখা'ও খুলিয়া' দেব স্বর্গের ছয়ার ।

—

লহরী ।

লহরী নাচিছে অই যমুনার জলে !

সন সন সগীবণ

করে করে অন্বেষণ,

সে তারে চুমিতে কেন সতত উথলে

লহরী নাচিছে ওই যমুনার জলে ।

চুপি চুপি নিরিবিলি আকাশেব তলে

কি যেন সে দেখি হায়

নিমেঘে মূবছা যায়,

শূণ্য প্রাণে শত আশা, কেনগো উছলে ;

লহরী নাচিছে ওই যমুনার জলে !

সাগর সমুদ্রে কারে চুম্বিতে বিরলে,
 প্রাণ তার নাহি গানে
 ধেসে ছুটে সিঁধুপানে,
 অভাগিনী কেন মরে মিছা কুতূহলে ;
 লহরী নাচিছে ঐ যমুনার জলে !

একদিন পূর্ণিগায় নিশীথে বিরলে,
 চাঁদ হাসে, তারা গায়,
 তারি ছায়া যমুনাধ
 সহসা পড়িয়াছিল কোন্ পুণ্যফলে,
 লহরী নাচিছে তাই যমুনার জলে ।

বসন্তোৎসব ।

আইল বসন্ত বৃষ্টি যদি বৃন্দাবনে
 স্মদুর নিকুঞ্জে অই
 বাঁজিল বাঁশরী সহ
 কোকিল ডাকিল মুহূঃ গগনে গগনে,
 তমালে নাচিল শুক
 প্রাণের ঘুচিল হুথ
 চললো মজনী ! যাই প্রিয় দরশনে ;
 নবীন-নীবদে অই
 দামিনী খেলিছে সহ
 ঝঙ্কারিছে অলিকুল প্রমোদ-কাননে ;

আজ সখি ভাল করে
সাজাইয়া দেলো মোরে
দেখিব নবীন-রূপ ত্বয়িত-নয়নে
আইল বসন্ত বুঝি হৃদি-বৃন্দাবনে ।



